



Inungnut Tuhaqtidjutikhaq



Tuhaqtitauhaktukhaq

GN-kut NTI paanariiliktut ihuaqhinahugittugu una NNI Maligait

IQALUIT, Nunavut (Ubluirvia 4, 2014) – Nunavunmi Ministanga Pivalliyuliyikkut Ingilrayuliyitkullu George Kuksuk unalu Nunavut Tunngavikkut Timinga Angiyuqqaq Cathy Towtongie sainiqhimayaat Naunaitkut Angiqatigiinirmut (MOU) havaknahaqtainut allan'nguqtirlugu Nunavummi Nangminiaqtunik Ikajuuti (NNI) Maligait.

Tikittumayaat NNI Maligait amigaikyuumilugit ilauyut Nunavunmi, Inuit, nunallaamilu nanminiaqtunut ukunani Nunavut Kavamanga kaantraanut, piyakhayumi talvani Nakataq 24 uumani Nunavunmi Nunataagutit Angigutaanut.

MOU sainiqtauhimayut talvani Sivummut IV katimakyuaqtuni Iqalungni.

“Nanminiaqtut Nunavunmi ikayuqtautkuyavut kavamatkut kaantraanginnit,” uqaqtuq Minista Kuksuk. “Paanarivlugit Nunavut Tunngavikkut Timinga, ihuaqhaqniaqtakkut una NNI Maligait havaqatigiiktuni Ikayuutikhanullu pilutik taimaatut nutaq Maligait ilauyut uqarumayait tamangnit paanariiktunit.”

“Tikittumayakkut nutaanguqtirlugu Maligait ihuatqiyauyumut nakuuyumiklu pidjutikhanut Inuit naminiriyainni Ikayuutikhanullu havaakhanut havaktillugillu Inuit maliklugu Nunavunmi Nunataagutit Angigutaanut,” uqaqtuq NTI-kuni Angiyuqqaq Cathy Towtongie.

MOU ihuaqhivagait piyakhait nutaanguliqtakhallu uumunga NNI Maligait.

Tikittumayaat nutaanguqtirlugit Maligait upinngaami aippaagu ukiungani.

###

Naunairumagungni uqaqvigilugu:

Matthew Illaszewicz
Atannguyaq Tuhaqtidjutikhanut
Pivalliyuliyikkut Ingilrayuliyitkullu
Nunavut Kavamangat
867-975-7818, 867-222-0122 (tigumianganut)
millaszewicz@gov.nu.ca

Kerry McCluskey
Aulapkaiyi Tuhagakhanut
Nunavut Tunngavikkut Timinga
Hivayautaa: 867-975-4914 Tigumiaktaanut:
867-222-2893
Akiittumut: 1-888-646-0006
kmcccluskey@tunngavik.com

Ilaliutihimayuuq: Kangiqhidjutaa

NNI Maligait Kangiqhidjuttaa

NNI Maligait una Nunavut Kavamangat piyumayainut pilugu Maligait, piliuqhimayaat havaqatigiikhutik Nunavut Kavamanga unalu Nunavut Tunngavikkut Timinga.

Pinahuaqtait taimaa: nakuuyut ihuaqhutiklu pinahugittuygit pinahuaqtamingnut; hakugikhiyuumilugu nunami maniliurutikhat; amigaitittugit Inuit ilauyuni; ilihautikhanut ayuiqhautikhanullu Nunavunmi.

NNI Maligait piliuqhimayuq malruknit titiqqanit: Nakataq 24 uumani Nunavunmi Nunataagutit Angigutaanut (NLCA) unalu Nanminiaqqtunut Ikayuutikhainut Maligait (BIP) Nunattiami.

Nakataq 24 NLCA-mi Naunaikpagait kavamatkut piyakhait Inungnut ukaullu Inuit havakviit pidjutikhainut kavamatkut pinahuaqtainut. Una BIP Nunavuttip pilluarumayaat kaantrakhanut Maligait atuliktinnagu Nunavunmu pihimayuq NNI Maligait talvani Qitiqauyaqvia 1, 2000.

NNI Maligait pivagait ikayuutikhat nunallaani ukiuqtaqtumilu nanminiaqqtunut havaakhanullu BIP-mit. NNI Maligait pihimayuq malruknit titiqqanit, ikayuutikhaliuqhutik atuqtakhainut nunallaani, Nunavunmi ukuallu Inuit naminiqaqtuni havaktunilu.

Tikitkaangata tallimat ukiungit, NNI Maligait naunaiyaiyit katimayit naunaiyakpiakpagaat una NNI Maligait.

Tadja naunaiyaidjuttaat ihumagiyatit malruk unnirutikhak: maligaliqivikmi Borden Ladner Gervais' 2012 *Angiyuq Unnirutikhaq talvunga NNI Maligait Naunaiyaiyit Katimayit* unalu NNI naunaiyaiyit katimayit 2012 *NNI Naunaiyakpiakyutigiyaat*. Tamangnik uqariyit Maligaliurvikmi talvani Apitilirvik 2013. Takuinnarialgit talvani NNI Katimayit (NNI Secretariat) qaritauyakkut takuyakturviani: www.nni.gov.nu.ca.